



Wie sich Gunther gein Islande hinze
Brynhilt bereite...

VI. Auenture.

G was ein kuniginne, gesezen ober se.
ir getliche enheine, man wesse ninder me.
dir was vnnazzen schöne, vil michel was ir chraft.
si schoz mit snellen degenen, vmb minne den schaft.



Den stein den warf si verre. dar nach si wite sprach.
swer an si wenden wolde. sinen gedanch.
driv spil muserr an behaben. der frowen wol geborn.
gebraft im an dem einen. er het das houbet sin verlorn.

Des het die kuniginne. vnmazen vil getan.
do gewiesch ez bi dem Rine. ein ritter wolgetan.
der wande sine sinne. an das herliche wip.
darumbe musin helede. sit verliesen den lip.

Do si eines tages sazen. der kunic vnt sine man.
manigen ende si ez mazen. beidw wider vnt dan.
welhe ir herre mohte. zeinem wibe nemen.
die in zefrowen tohte. vnt ouch dem lande mohte zemen.

Do sprach der vogt von Rine. ich wil nider an den se.
hin ze Prenehilde. swie ez mir erge.
durch ir vnmazen schone. so wage ich minen lip.
den wil ich verliesen. sine werde min wip.

Das wil ich widerraten. sprach do Sivrit.
ia hat die kuniginne. so vreisliche site.
swer umb ir minne wirbet. das ez im hohe stat.
des muget ir der reise. haben warlichen rat.

Do sprach der kunic Gonther. nie geborn wart ein wip.
so starch vnt ouch so chyne. ine wolde wol ir lip.
in strite betwingen. mit min selbes hant.
swiget sprach do Sivrit. ir ist ir ellen vnbekant.

Vnt wern iwer viere. dine kunden niht genesn.
von ir vil grimmen zorne. ir lat den willen wesen.
das rat ich ir mit triwen. welt ir niht ligen tot.
sone lat ir nach ir minne. niht zefere wesen not.

So wil ich in wol raten. sprach do Hagene.
ir bitet Sifride. mit in zetrage.
die vil starchen forge. das ist no min rat.
sife in das ist so kundich. wies umbe Prionhilde stat.

Er sprach wiltu mir helfen. degen Sifrit.
die minnekliche erwerben. twostu des ich diu bite.
vnt wirt mir zeinem tvote. das herliche wip.
ich wil durch dinen willen. wagen ere vnt lip.

Des antworte Sifrit. swie mir min dinc da chvorn.
gistu mir din swester. so bin ich dir from.
die schonen Chriemhilde. ein kuniginne her.
ine ger deheiner miete. nach minen arebeiten mer.

Das lobe ich sprach do Gunther. Sivrit an dine hant.
vnt kvomt diu schonne Prionhilt. her indisse lant.
so wil ich dir zwibe. die mine swester gebn.
so mahtu mit der schonen. immer vroliche lebn.

Des sworen si do eide. die rechen vil her.
des wart ir arebeiten. verre deste mer.
e' si die wolgetanen. brehten an den Rin.
des musen die vil chvnen. starche sorgende sin.

Von wilden getwergen. han ich gehoret sagen.
si sin in holn bergen. vnt das si zescherme tragen.
eines heiset tarnkappen. von widerlicher art.
swerz hat an sine libe. der sol vil gar wol sin bewart.

Vor flegen vnt vor stichen. in moege och niemen sehen.
swenner si dar inne. beide horn vnt spehen.
mag er nach sinem willen. das in doch niemen siht.
er si och verre stercher. als uns diu aventure gilht.

Mit im fort Sifrit. die tarnkappen an.
die der helt vil kune. mit sorgen gewan.
ab einem getwerge. das hiez Albrich.
sich bereiten zu der verte. die degn chune vnt rich.

Also der starche Sifrit. die tarnkappen troch.
so het er dar inne. chrefte genwoch.
zwelf ander manne sterche. als uns ist geseit.
er gewan mit grozen listen. die vil herlichen meit.

Ouch was div selbe tarnhvot. also getan.
daz dar inne worhte. ein ieslicher man.
swaz er selbe wolde. daz in doch niemen sach.
so gewan er Prvonhilde. da von im leide sit geschach.

Do solt mir sagen Sifrit. e' unfer vart erge.
daz wir mit vollen eren. chomen an den se.
soln wir iht ritter foren. in Prvonhilde lant.
zwei tusint degene. die werdent schiere besant.

Swie vil wir volches forten. sprach do Sifrit.
ez pfliget div kuniginne. so enstlicher site.
die mosen alle ersterven. von ir obermvot.
ich wil ivch baz bewisen. degene chvne vnde gvot.

Wir soln inrechen wise. varn zetal den kin.
die wil ich iv nennen. die daz soln sin.
zu uns zwein noch zwene. vnt niemen me.
so erwerben wir die frowen. swiez vns dar nach erge.

Der gefellen sit ir einer. der ander sol ich wesen.
Hagene si der dritte. wir mogen wol genesen.
Danchwart si der vierde. der vil chvne man.
vns endurfen ander tusint. mit strite nimmer bestan.

Div märe ich wiste gerne. sprach der kunic do.
e' daz wir hinne schieden. des wäre ich harte vro.
was wir kleider solden. vor Prvnhilden tragen.
div uns da wol gezämen. das solt ir mir bi zite sagen.

Wat die allerbesten. die ieman bevant.
die treit man zallen citen. in Prvnhilde lant.
des suln wir richiv chleider. vor der frowen tragen.
das wirs iht habn scande. so man div märe hore sagn.

Do sprach der degn guter. so wil ich selbe gan.
zv miner lieben muter. ob ich erwerben chan.
daz uns ir schone mägede. helfen prvven chleit.
die wir tragen mit eren. for die herlichen meit.

Do sprach von Tronege Hagene. mit herlichen siten.
wes welt ir iwer muter. solher dienste biten.
lat iwer swester horen. wes wir habn moot.
si ist so chunst riche. daz div chleider werdent got.

Do enbot er siner swester. daz er si wolde sehn.
vnt och der herre Sifrit. e' daz daz was geschehn.
do hete sich div schone. zewnsche wol gechleit.
daz si sie sehn wolden. des was si vro vnt och gemeit.

Do was och ir gefinde. gezieret als ir gezam.
die forsten chomen beide. do si daz vernam.
do stont si von dem sicle. mit zohnten si do gie.
do si den gast vil edelen. vnt och ir bruder enpfie.

Willechomen si min bruder. vnt der gefelle sin.
div märe wist ich gerne. so sprach daz magedin.
was ir werben woldet. sit ir zehofe gat.
daz lat mich beide horen. wies iv hochgemvten stat.

Do sprach der chunic riche. frowe ich wilz iw sagen.
wir mozin michel sorgen. bi hohem mote tragn.
wir wellen hobefeschen riten. verre inuwendiv lant.
wir solden zw der reise. haben zierlich gewant.

Iw sizet lieber brovoder. sprach das kuniges kint.
lat mich div märe hören. wer die frowen sint.
der ir da gert mit minnen. inander fürsten lant.
die vs erwelten beide. nam div frowe bi der hant.

Do gie si mit den degenen. da si selbe saz.
matras div richen. ir solt gelovben das.
lagen allenthalben. an dem vlesze nider.
si heten bi den frowen. goot kurzvile sieder.

Viel liepklicher bliche. vnt minnekliches sehn.
des mohte da in beiden. harte vil geschehen.
er truch si imme hercen. si was im so der lip.
er erwarp mit starchem dienste. das si doch sieder wart sin wip.

Do sprach der kunic Gunther. vil edel swester min.
ane dine helfe. sone kundez niht gesin.
wir wellen kvercewilen. in Prvnhilde lant.
da bedorften wir zetragene. vor frowen herlich gewant.

Do sprach div kuniginne. vil lieber brovder min.
swaz der minen helfe. daran kan gesin.
des bringe ich iwch wol innen. das ich iw bin bereit.
versagt iw ander iemen. das wäre Chriemhilde leit.

Irn solt mich ritter edele. niht sorgende biten.
ia solt ir mir gebieten. mit herlichen siten.
swaz so iw gevalle. des bin ich bereit.
vnt tuon es willekliche. sprach div herliche meit.

Wir wellen liebiv swester. tragen got gewant.
das sol helfen prveuen. iwer wiziv hant.
des vol ziehen iwer mägede. daz ez vns rehte stat.
wand ich dirre verte. han deheinerflahte rat.

Do sprach div iunefrowe. ine wil iv niht versagn.
ich han selbe fiden. nu heizet uns her tragen.
gestein vf den schilden. so machen wir div kleit.
daz ir si traget mit eren. for die herlichen meit.

Wer sint die gefellen. sprach div kunigin.
die mit iv gekleidet. zehofe soln sin.
daz bin ich vnt Sifrit. vnt zwene miner man.
Danchwart vnt Hagene. die soln mit vns ze hofe gan.

Nu merchet liebiv swester. rehte was wir sagen.
daz wir vier gefellen. zewier tagen tragen.
ie drier hande kleider. vnt also quot gewant.
daz wir ane scande. roomen Prunhilde lant.

Daz lobte si den rechen. die herren schieden dan.
do hiez ir iunefrowen. drizzech meide gan.
vz ir kemenaten. Chriemhilt div chunigin.
die vil werch spähen. ze chonste heten grosen sin.

Aller hande fiden. vnt wiz so der sne.
von Bazamanc dem lande. gron also der kle.
dar in si leiten steine. des wreden gutiv kleit.
selbe sneit si Chriemhilt. div vil minnekliche meit.

Von vremder vische hyten. bezoch wolgetan.
zesehn werden loten. swaz man der gewan.
die dache man mit fiden. golt darin getragen.
man mohte michel wnder. von der lichten wäte sagen.

Von Marroch v3 dem lande. vnt och von Libyan.
die aller besten siden. die ie mer gewan.
deheines kuniges chunne. der heten si genwoch.
diu frowe lie wol schinen. daz si in holden willen trvoch.

Wande sis zehove reife. heten so gegert.
die herminen vedere. dohten si vnwert.
pfelle dar obe lagen. swarz alsam der chol.
daz noch snellen degenen. stunde inhochgeriten wol.

V3 Arabischem golde. vil gesteines schein.
der frowen vnmuse. diu en was niht klein.
inre sehs wochen. bereiten si diu kleit.
do was och ir gewäfen. den goten degenen bereit.

Do si bereitet waren. do was in vf den Rin.
bereitet vlietzliche. ein starchez schiffelin.
daz si tragen solde. wol nider vf den se.
den schönen iunefrowen. tet ir arebeiten we.

Do sagt man den rechen. in wärn no bereit.
diu si da fveren solden. ir zierlichen kleit.
also die helde gerten. daz was no getan.
done wolden si niht langer. bi dem Rine bestan.

Nach den hergesellen. wart balde do gesant.
ob si schowen wolden. niwez ir gewant.
ob iz den helden wäre. zerechte kurz vnt lanch.
des sageten si den frowen. von schulden groslichen danch.

Svr alle die si chomen. die musen in des ichen.
daz si ze der werlde häten. schoners niht gesehn.
des mohten si sie gerne. da zehove tragen.
von bezzer helde wäte. chunde iw nieman niht gesagn.

Wiseckliche danchen. wart da niht verdeit.
vrlobes von in gerten. die rechen vil gemeit.
inritterlichen zylten. die herren taten das.
des wrden lichtiv oggen. weinens treobe vnt naz.

Si sprach vil lieber broder. ir mohtet noch bestan.
vnt wrbet ander frowen. das hiez ich wol getan.
Da iv so fere enwage. stonde niht der lip.
ir muot hie naher vinden. ein also hochgeborn wip.

Ich wen in saget ir herce. das in da von geschach.
si weinten al gemeine. swaz ieman drumbe sprach.
ir golt in vor den brusten. wart von trahenen sal.
die vielen in genote. von den oggen hinze tal.

Sie sprach herre Sivrit. lat iv bevolhen sin.
vf triwe vnt vf genade. den lieben broder min.
das im iht gewerre. in Pronhilde lant.
das lobt ir der herre. mit gutem willen indie hant.

Do sprach der deggen chvone. ob mir min lip bestat.
so solt ir aller sorgen. frowe haben rat.
ich bringen iv gesunden. her wider an den Rin.
das habt vf mine libe. im neich das schone magedin.

Ir golt roten schilde. die trug man vf den sant.
vnt braht in zu dem schiffe. alles ir gewant.
ir roff hiez man in ziehen. si wolden varn dan.
do wart von schonen frowen. vil michel weinen getan.

Do stonden inden venstern. diu minneklichen kint.
ir sciff mit dem segele. das rvert ein hoher wint.
die stolzen hergesellen. vlvzen zetal den Rin.
do sprach der kunich Gunther. wer sol nu schiff meister sin.

Do sprach der starche Sivrit. ich kan ioch vf der vloot.
hinnen wol gefveren. das wizzet heledē goot.
die rehte wazzer strazen. die sint mir wol bekant.
mit frevden si do schieden. v3 der Guregonden lant.

Der kunich von Niderlanden. eine schalten genam.
von stade begunde schieben. der helt vil lobesam.
Gunther der chuene. selbe ein rroder trooc.
si hoben sich von lande. vnt warn vrolich genoch.

Si forten riche spise. dar zu den besten win.
den man inder chunde. vinden omben Rin.
Danchwart Hagenen brooder. der saz vnt zoch.
an eine starchen rroder. er troch den mwot vnmazen hoch.

Ir vil starchen segel seil. wrden in gestraht.
si foren manige mile. e' das ez wrde naht.
mit frevden si do chomen. vol nider an den se.
ir starchez arebeiten. tet sit den hochgenwten we.

Inre tage zwelven. so wir hörn sagen.
heten si die winde. verre dan getragen.
gein Isensteine. in Prvnhilde lant.
das het von Tronege Hagene. e' vil selten bekant.